



"Bilinguismu Creschet" Formazione pro sos genitores de pitzinnos minores

Comenti a prova de s'importu mannu chi tenit su imparai sa limba sarda e su de dda manigiai, su Comune de Baressa at aparitzadu pro s'acabu de cabudanni 2013 unu *curso de limba sarda* pro is dependentis e pro is tzitadinus cosa sua.

Ma in biddas medas de Sardigna sa punna est faghene a cumprèndi a mannos e pitios chi sa limba nostra non si dèpiri perdi non feti poita est parti de s'identidade de nos sardus, ma fintzas poita agiudat a imparai is àteras limbas puru. E pro chistionai de custu su 4 e su 5 de cabudanni is Comunas de Bosa e de Iscanu ant a tènnere su praghene de ospitare a unu de is espertos prus mannos in contu de bilinguismu cabudàrgiu: sa dot.ra Antonella Sorace, ordinària de Linguistica Acuisitzionale in s'Universitàde de Edimburgo.

Sa professora Sorace, connota in totu su mundu, at fundadu su servitziu de informatzione "Bilingualism Matters" e pagu tempus a imoi at faeddadu de bilinguismu finas in "Superquark", ispieghendi su profetu linguistichu e cognitivu chi tenent sos pitzinnos pesados in duas limbas.

Su progetu, intituladu "Bilinguismu Creschet", est finanziadu dae sa Regione e coordinadu dae s'Assòtziu Culturale Sa Bèrtula Antiga cun s'agiudu de sa Sotziedade Cooperativa L'Altra Cultura.

Custu ant a èssiri is oràrius de is cunvènnius:
Bosa: 04/09/2013 h 18,30 in sa sala cunvènnius de sa biblioteca tzivica (cunventu bèciu de su Càrmine)
Iscanu: 05/09/2013 h 16.30 in su teatru "Nonnu Mannu"

Novas Baressesas at a bessiri prus o mancu una borta a su mesi e s'at podi arriciri inderetura in domu, cun una e-mail: bastat a ddu pediri mandendi una punta de billetu eletrònicu a s'indiritzu

serviziocultura@comune.baressa.or.it iscriendi su nòmmini, su sangunau e "bollu arriciri *Novas baressesas*". In prus, s'at podi ligi puru in sa bacheca comunali o agatai in medas atividadis comercialis de sa bidda o in sa biblioteca comunali



Comunu de Baressa

Provintzia de Aristanis

Sa redatzioni de *Novas Baressesas* est contivigiada de su Servitziu linguistichu sardu e s'Assessorau a sa Cultura de su Comune de Baressa.

S'isportellu linguistichu est a disponimentu de tzitadinus, maistus de iscola, professoris e istudentis po cali si siat informatzioni, profundamentu, duda e crosidadi asuba de sa lingua sarda, po consulèntzias didàticas e po contzillus chi pertocant is arrègulas de iscridura de su sardu.

Su Servitziu in cabudanni 2013 est abertu:

DII	DATA	ORÀRIU
Mèrcuris	04.09.2013	10.10 – 14.10
Mèrcuris	11.09.2013	10.10 – 14.10
Mèrcuris	18.09.2013	10.10 – 14.10
Mèrcuris	25.09.2013	10.40 - 14.40



Comunu de Baressa

Provintzia de Aristanis

Novas Baressesas

☎ 0783-930049 Fax 0783-930118
e-mail: info@comune.baressa.or.it

Fòlliu periòdicu de informatzioni istitutzionali de su Comune de Baressa

**Responsabilidadi e proprietadi de su
Comunu de Baressa (or)**

Annu III, n. 8

Acabau su 29 de austu 2013



FESTA DE SA MÈNDULA

*Sa de bintiduas
annadas*

**Sàbudu 7 e
domìnicu 8 de
cabudanni 2013**

Sunt giai bintiduas annus chi su Comunu de Baressa aparitzat sa “Festa de sa mèndula”, una festa e unu addòbiu de importu mannu pro is Baressesus e pro chi bolit connoschiri is cosas bellas chi nci sunt in Bidda nostra.

Sa manifestatzioni s’at a faghene in rugas, portalis, lollas e pratzas de sa parti prus antiga de Baressa, pro permitere a is istràngius de bisitai su tzentru istòricu chi mantennit ancora una parti manna de is elementus architètònicus tìpicus de sa realtadi pòbura e massaja de is tempus coladus comenti a

s’imperdau de is bias, is faciadas in pedra, is portalis pro intrai me is lollas de is domus e de sa “Domu Museu”.

In custu iscenàriu bellu Sàbudu 7 de Cabudanni 2013 s’at a faghene sa Festa de sa Mèndula 2013 chi, a partiri de is tres e finas a is noioras de merii (dalle 15.00 alle 21.00), at a a pòniri in amostu is *stand* de *s’agroalimentari*, butegas de is artis, ammostu de ceràmicas, cadinus e iscaterrddus. S’ant a pòdiri bisitai sa Domu Museu, sa crèsia parrochiali de Santu Girorgi, su Museu de s’Arti sacra e “Sa Moba”. A partiri de is ses e mesu (18.30) nc’at a èssiri s’isfilada de is màscaras sardas de sa traditzioni: *Is Cerbus de Sinnai, Is Corriolos de Neoneli, Is Tamburinos de Gavoi, Su Turcu de Ollollai*.

Domìnicu 8 de Cabudanni 2013 de is noioras a sa una de mengianu (ore 9.00 - 13.00) e de is cuatru a is noioras de merii (16.00 – 21.00) ant a torrai a aberrere is *stand* pro s’ammostu e pro bendi s’agroalimentari, is butegas de is

artis, s’ammostu de ceràmicas, cadinus e iscarteddus. S’ant a pòdiri fàiri is bisitas a is monumentus de sa bidda: sa Domu Museu, sa crèsia manna de Santu Girorgi, su Museu de s’Arti sacra e de “Sa moba”.

A is cincu e mesu (ore 17.30): Rapresentada in libertadi de su traballai sa mèndula in s’antigòriu, e pro ddu nai in àterus fueddus, de “s’iscudidura”, “s’arregorta” e de “s’iscroxadura”.



De is cincu e mesu a is otu de merii (17.30 – 20.00) ant a isfilai e baddai, bistidus a bistimenta segundis sa traditzioni sarda, is grupus folk de

Sant’Isidoru de Baressa, de Is iscrutzus de Crabas, de sa Giara de Tuili, de Sant’Isidoru de Teulada.

Facioras de is ses e mesu (18,30) s’ant a pòdiri tastai is drucis de mèndula totus impari.

A is otu e mesu de merii (20,30) ispetàculu etnico - musicali cun sa cantadora Maria Giovanna Cherchi.